


مکتبہ دارالتحقیق

ادبی و سیاسی رسالہ اسبوعیہ در

۳۰ نجی سنہ



۲۲ شعبان المعظم ۱۳۲۹

پچھنہ

جزو عدد : ۱۰۹

تایمس مخبرلری

تایمس غزته سینک خواص مخصوصه سندن بری ده هر هانگی مسئله ده اولورسه اولسون بحث ایتدیکی خصوصده اثبات حقیقته چالشق و بورلما مقدر . بو غزته بدایت تأسسندن بو آنه قدر هپ بومقصده صرف مساعی ایتمش و بناءً علیه تعقیب ایتدیکی غایه یه ایرمیشدر . ذاتاً عموم انگلیز غزته لری آره سنده مستثنا بر موقع احراز ایتمش اولسی ده بوندن نشأت ایلشدر . تایمس (رقلام) احتیاجندن وارسته در . او . مثلاً نیویورک هرالد (کی) له وینستونی (تحریری ایچون ارباب قلدن برسر دن کجادی انخابله آفریقایه گوندرمکی دوشمنز ، فقط اثبات مدعا بولنده ابرازینه مجبوریت کوردیکی بر وثیقه ، چارک یازینخانه سندن آنک دایره تحریریه سینه انتقال ایدر . « آلتون آنختار هر قویه او یار » مثالی تایمس ، ایستدیکی زمان قولایتدن فعلیاته نقل و تطبیق ایتمه نك بولنی بیلیر . یالکیز بردفعه (پارنل) مسئله سنده ساخته و ناقله کنده دن آتمیشدی ، بوده کندیسی ایچون بر درس تجربه اولدی . اوزماندن بری احتیاطده دها دقیق طاورانمقده در .

تایمس ، مخبرلری عالم نشریاتک برر قهرمان صاحبقرانی اطلاقه شایان ارباب فطانت و عرفاندندر . بروقتلر (ماکنزی والاس) کی (دوبلوویچ) کی ، غالیغا کی اک بیوک دیپلوماتلری ، تجربه کار دولت آدمیلرینی آوجیلری ایچنده بولندیران مخبرلر استخدام ایتمشیدیی که بولنده ویردیکی معاشرلر ، اکثریا بولندقلری پای تختلرده کی انگلیز سفیرلرینک تخصیصاته معادل و حتی غالب ایدی . بو آدملرک ایسه قیمت ذاتیه و معنوبه لری تقدیر بهادن قات قات بالاتر ایدی . هیچ برشیدن قورقیان و اکثر غزته مخبرلرینی ابذار ایتدیکی نقوده سرفرو ایتدیرن عبدالحمید ، ماکنزی والاس نامی آکلدقچه خوف و اندیشه سی کتم ایده مزیدی . مدحت پاشا محاکمسی اجرا اولندیفی صرمده پادشاهک حزینه دار شهر تشعاری اولان حافظ بهرام آغانک

مایخی فخری یکی دو گدیکنه قدر تحقیق و اشعار ایتمش . و پادشاهک ابلهفریبانه بر طرزده :- یازدینی وقعه صحیحدر . کیمدن خبر آدیسه نامی سویلسون . بیان حقیقته وساطتدن طولای کنیدیسه مکافات ایدهیم :- دیه کوندردیکی خبر اوزرینه - ذات شاهانه لری اک بیوک مکافات هایونلرینی لطفاً رایکان بیوردیلر ؛ اوده تایس مخارینه اخبار ائده بولانلرک صدق افاده لری تصدیق شاهانه بی احرار ایتمش دز . بوندن بیوک مکافات متصور دکلدر . - قولیله مقابله ده بولنمشیدی .

-- وقعه بی نصل خبر آلمشدی ؛

— یاره قوتیله !

— خیر ! حادثه نك آلدینی اشکال معلومانهدن دلخون اولان اصحاب حیتدن بری حسبه لله خبر ویرمشدی . تایس مخارینک دفتر مصارفنده اووقعه به دار آلدینی خبر لر حقنده بر (بی) مقید اولمادینی محققدر . چونکه برانکلیز ؛ باخصوص ماکنزی والاس کی برانکلیز ، ویرمدیکی بریشینی ویرمش کوسترمک دانشتی ارتکاب ایده من .

ماحصل تایس مخاری لری برشیدن بحث ایدر لرسه ، اوشی هان بیکده ۹۹۹ صحیحدر . و صحیفی انبایده هرنه صورته الوریسه اولسون اظهار اقتدار ایتمکده در لر .

§

بکن تموز اوائلنده ایدی که تایسک ویانه مخاری غزنیه یازدینی بر مکتوبده بر آز وقتدن بری مملک عثمانیه ده جابجا وقوع یافته اولان حادثاتک قوه مولده سی موسویلر وشبه موسویلرک احتراصات انطفا ناپذیری اولدینی حقنده اورنیه برسوز آتمشدی . حتی مخار تعین اسم وهویت ده ایتمشدی . آطنه حادثه معلومه سنده بیله یهودی ایزی کوردیگنی ، اوافاجه نك ۳۱ مارت وقعه سیله مناسبتی اولمادینی سویلیوردی . بوکا ایسه لوندره ده کی (غران رابن) یعنی خاخام باشی (دو قور غاستر) جواب رد یازدی ، و آطنه وقعه سنك سببی برار منی قضایی اولدینی و هر حادثه ایچنده بر روم . برار منی بولمادینی کی بر موسوی ده بولنه بیله چکنی و فقط ایقاع حادثات ایدنلر

یهودیلر اولیوب آرانوودلقده ، عربستانده ، آناطولیده اکثریت اوزره اجنبیلر ایقاع فساد ایلدیکنی بیان ایتدی .

بونک اوزرینه ۲۷ تموز افرنجیده ویانه مخبرلری تکرار برمکتوب یازمدرق خاخم باشی دوقسور غاستری تکذیب ایتدی . الله انبات مدطیه صالح و نائق بولندیغنی بیلدیردی . ویهودیلرک فطانت و ذکاوت مشهوره لریله برابر ، برده غرور ایله مفظور بولندقلرینی و بوخاصه جبللیه لری تأریاب اولنجه ، عقل و درایتله نسبت قبول ایتمه چک مرتبه ده افعال مغرورانه ده بولندقلرینی و فقط کونک برنده بوغرور و نخوتک بلاسنه اوغرایه جقلرینی و چونکه الله بر قومک مصیبتنی مقدر قیلنجه اولای عقلنی آلدیغنی آجی بر صورتده آیان ایلدی .

شمدی ده ۹ آغستوسده برمکتوب اعلان ایدیلور که (ووتس) نامنده بر ذات یازمشدر . غریبدر که ۱۸۶۰ سنه میلادی سنه مصادف ۱۲۷۶ سنه هجریه سننده وقوع بولان شام حادثه سننده دخی قتل عامک یهودیلر طرفدن ترویج و ایقاع اولندیغنی و اعدامه محکوم اولانلر ایچنده یهودیلر دخی بولندیغنی خبر ویریور .

تایمس ایسه سالف الذکر ۹ آغستوس تاریخلی نسخهنسندده نشر ایلدیکی بنده مخصوصنده مخبرلرینک مدعاسی موافق حقیقت اولدیغنی رسماً اعلان ایتمکده درکه اصل شایان اهمیت بوراسیدر .

بالاده بیان ایتمش ایدککه تایمس بر مسئله یی الزام ایدنجه اومسئله ده اشتباه محل یوقدر . چونکه الله هر درلو شهباتی ازاله ایده چک و نائق بولنمینجه تایمس میدان کار وزاره کیره منز .

تایمسک استانبول مخبرلری مقدرات مملکت سلائییکک نام و نیم یهودیلری طرفدن اداره و تدویر اولندیغنی و هرایشه منفعت موسویه اس اساس اولدیغنی ادعا ایتمکده در . ویانه مخبرلری ، اسملرینی تعداد ایتدیکی مدبران موسویوتن صره سننده مانوئل قرصو ، ونسیم ماسلیاح ناملرینی ده ذکر ایدیلور ، که بزجه یالگنز بویاکی اسمک آرمیه کیرمش اولسی تحقیق ناقص نتیجه سی اولدیغنده شبهه یوقدر . مع مافیه تایمس مخبرلری بونده تغلیط اولتمش ایسه ، او خطاسنی تصحیح ایده چکنندن ده امینز .